

周禮

三

特279

特279-125




1200501131973

別室  
閲覧

×  
複写

原本を出納する  
(複写は別室にて  
全冊マイクロフィルムから)

第四千四百廿八號



始






特 279  
125



朝 卷十九年五月七日 文部省交付

周禮卷十五



漢大司農北海鄭玄註

皇明 後學東吳金蟠訂

司徒教官之職

質人掌成市之貨賄。人民牛馬兵器珍異。

成平也。會者平物賈而來。主成其平也。人民奴婢也。珍異四時食物。

凡賣儻者質劑焉。大市以質。小市以劑。

鄭司農云。質劑。月平賈也。質。大賈劑。小賈。玄謂質劑者。為之券。藏之也。大市。人民馬牛之屬。用長券。小市。兵器珍異之物。用短券。○長如字。

同書

卷三 司徒教官之職

水襄堂



掌稽市之書契同其度量壹其淳制巡而攷之犯禁者舉而罰之

稽猶考也治也書契取于市物之券也其券之象書兩札刻其側杜子春云淳當為純純謂福廣制謂匹長也皆當中度量玄謂淳讀如淳尸盤之淳其淳音准長直亮反中丁仲反淳尸劉章純反

凡治質劑者國中一旬郊二旬野三旬都三月邦國暮期內聽期外不聽

謂齋券契者來訟也以期內來則治之後期則不治所以絕民之好訟且息文書也郊遠郊也對甸稍也都小都大都

廩人掌斂市紘布總布質布罰布廩布而入于泉府

布泉也鄭司農云斘布列肆之稅布杜子春云總當為僮謂無肆立持者之稅也玄謂總讀如相總之總總布謂守斗斛鈞衡者之稅也質布者質人之所罰犯質劑者之泉也罰布者犯市令者之泉也廩布者貨賄諸物邸舍之稅○斘音次僮音讓總

音摠

凡屠者斂其皮角筋骨入于玉府

以當稅給作器物也其無皮角及筋骨不中用亦稅之

凡珍異之有滯者斂而入于膳府

故書滯或作廩鄭司農云謂滯貨不售者官為居之貨物沉滯於廩中不決民待其直以給喪疾而不可售賈賤者也廩謂市中之地未有肆而可居以畜藏貨物者也孟子曰市廩而不征法而不應則天下之商皆說而願藏於其市矣謂貨物儲藏於市中而不租稅也故曰廩而不征其有貨物久滯於廩而不售者官以法為居取之故曰法而不應玄謂滯讀如沉滯之滯珍異四時食物也不售而在廩久則將瘦靡腐改為質之人膳夫之府所以紓民事而官不失實○官為于僞反下同畜勅六反說音悅儲知呂反本或作貯瘦本又作瘦所又反靡其俱反

司農

卷五 司徒教官之職

二

尺裏堂



胥師各掌其次之政令。而平其貨賄。憲刑禁焉。

志表縣之。縣音玄。

察其詐偽飾行債。愚者而誅罰之。

鄭司農云。債。賣也。愚。惡也。謂行且賣。姦偽惡物者。玄。謂飾行債。應。謂使人行賣惡物於市。巧飾之。令欺誑買者。○行。下孟反。令。力呈反。

聽其小治小訟而斷之。

○斷。丁亂反。

賈師各掌其次之貨賄之治。辨其物而均平之。展其成而奠其賈。然後令市。

辨別也。

凡天患禁貴債者。使有慎賈。

恒。常也。謂若諸米穀。棺木。而賄久。兩疲病者。貴賣之。因天災害。阨民使之重困。

四時之珍異亦如之。

薦宗廟之物。

凡國之賣債各師其屬而嗣掌其月。

債。買也。故書賣為買。鄭司農云。謂官有所斥。令賣賈。師師其屬。而更相代直。月為官賣之。均勞逸。○為官。干保反。

凡師役會同亦如之。

司憲掌憲市之禁令。禁其鬪鬪者。與其鬪亂者。出入相陵犯者。以

司憲

司徒教官之職

三

水廣堂



屬遊飲食于市者

鄭注也。鄭司農云。以屬遊飲食。羣飲食者。○鄭五羔反。羣音歡。

若不可禁。則搏而戮之。

司稽掌巡市而察其犯禁者。與其不物者。而搏之。

不物。衣服視占不與衆同。及所操物不如品式。

掌執市之盜賊以徇且刑之。

胥各掌其所治之政。執鞭度而巡其前。掌其坐作出入之禁令。襲

其不正者。

作。起也。坐。起禁令。當市而不得空守之。屬故書。襲。爲習。杜。子春云。當爲襲。謂掩捕其不正者。

凡有罪者。撻戮而罰之。

撻。之。使。由布。

肆長各掌其肆之政令。陳其貨賄。名相近者相遠也。實相近者相

爾也。而平正之。

爾亦近也。俱是物也。使惡者遠。善者自相近。鄭司農云。謂若珠玉之屬。俱名爲珠。俱名爲玉。而賈或百萬。或數萬。恐農夫愚民見欺。故別異令相遠。使賈人不得雜亂以欺人。

斂其總布。掌其戒令。

杜子春云。總當爲儻。

泉府掌以市之征布。斂市之不售貨之滯於民用者。以其賈買之。

泉。府。掌。以。市。之。征。布。斂。市。之。不。售。貨。之。滯。於。民。用。者。以。其。賈。買。之。



物揭而書之以待不時而買者買者各從其抵都鄙從其主國人郊人從其有司然後予之。

故書滯為瘴，杜子春云瘴當為滯，鄭司農云物揭而書之物物為擯，書書其賈，揭著其物也，不時買者謂急求者也，抵故賈也，主者別治大夫也，然後予之為封符信，然後予之，玄謂抵實抵字，抵木也，本謂所屬吏主有司是也，揭音竭，瘴音且，擯音歲，著直，畚反。

凡賒者祭祀無過旬日，喪紀無過三月。

鄭司農云賒，賒也，以祭祀喪紀故從官賈買物。

凡民之貸者與其有司辨而授之，以國服為之息。

有司其所屬吏也，與之別其貸民之物，定其賈以與之，鄭司農云貸者謂從官借本賈也，故有息使民弗利，以其所賈之國所

出為息也，假令其國出絲絮，則以絲絮償其國出絲葛，則以絲葛償，玄謂以國服為之息，以其於國服事之稅為息也，於國事受園廩之出而貸萬泉者，則蕃出息五百，王莽時民貸以治產業者，但計贏所得受息無過歲什一，本賈音嫁所賈音古。

凡國之財用取具焉，歲終則會其出入而納其餘。

會計也，納入也，入餘於職幣。

司門掌授管鍵以啓閉國門。

鄭司農云鍵，讀為蹇，管謂管也，鍵謂壯，○鍵其展反。

幾出入不物者正其貨賄，凡財物犯禁者舉之。

不物衣服視瞻不與眾同及所操物不如品式者，正讀為征，征稅也，犯禁謂商所不資者舉之，沒入官。

以其財養政之老與其孤。

司禮

司徒教官之職

五

示懷堂



賄所謂門關之委積也。或政之老，或國事者之父母也，孤其子。

祭祀之牛牲繫焉。監門養之。

監門，門徒。○監古衙反。

凡歲時之門受其餘。

鄭司農云：受祭門之餘。

凡四方之賓客造焉，則以告。

造，猶至也。告，告於王，而止容以俟。○

司關掌國貨之節以聯門市。

貨節，謂商本所發司市之節也。自外來者則案其節而書其貨之多少。通之國門，國門通之司市，自內出者司市為之節。

通之國門，國門通之關門，參相聯以檢得商。○滑音滑。

司貨賄之出入者，掌其治禁與其征廛。

征廛者，貨賄之稅與所止邸舍也。關下亦有邸舍，其出布如市之廛。

凡貨不出於關者，舉其貨，罰其人。

不出於關，謂從私道出辟稅者，則沒其財，而桎其人。○辟音避。

凡所達貨賄者，則以節傳出之。

商或取貨於民間，無節者至關，關為之節，節及傳出之，其有節者亦為之傳，傳如今移過所文書。○傳張懋反，注下皆同。

國凶札，則無關門之征，猶幾。

鄭司農云：凶，謂凶年饑荒也。札，謂疾疫或亡也。越人謂疾為札。春秋傳曰：札瘥天昏，無關門之征者，出入關門無租稅，猶幾，謂

司禮

司徒教官之職

六

天長



無租... 諸苛察不得令姦人出入。孟子曰：關幾而不征，則天下之行旅皆說而願出於其塗。○瘞才何反說音悅。

**凡四方之賓客啟關則為之告。**

謂朝聘者也。啟關猶謂關人也。鄭司農說以國語曰：周之秩官有之曰：啟國賓至，關尹以告，行理以節逆之。○啟音叩為子偽反。朝直逢反。

**有外內之送令，則以節傳出內之。**

有送令，謂奉貢獻及文書以常事往來環人之職。所送迎通賓客，來至關則為之節與傳以通之。

**掌節掌守邦節而辨其用以輔王命。**

邦節者，珍圭、牙璋、穀圭、珌圭、琕圭也。王有命則別其節之用。以授使者，輔王命者，執以行為信。○別被列反。使所更反。

**守邦國者用玉節，守都鄙者用角節。**

謂諸侯於其國中，公卿大夫士子，象於其采邑有命者，亦自有節以輔之。玉節之制如王為之，以命數為小大。角用犀角，其制未聞。

**凡邦國之使節，山國用虎節，土國用人節，澤國用龍節，皆金也。以**

**英蕩輔之。**

使節使卿大夫聘於天子，諸侯行道所執之信也。土，平地也。山多虎，平地多人，澤多龍，以金為節，鑄象焉。必自以其國所多者於以相別為信明也。今漢有銅虎符，杜子春云：蕩當為幣，謂以函器盛此節，或曰英蕩畫函。○幣吐黨反。盛音成。

**門關用符節，貨賄用璽節，道路用旌節，皆有期以反節。**

門關司門司關也。貨賄者，主通貨賄之官，謂司市也。道路者，主治五涂之官，謂鄉遂大夫也。凡民遠出至於邦國，邦國之民若來入由門者，司門為之節，由關者，司關為之節，其商則司市為之節，其以徵令及家徙，則鄉遂大夫為之節，唯時事而行不出。



關不用節也。變司市言貨賄者。重節主以通貨賄。貨賄非必由市。或資於民家焉。變鄉遂言道路者。容公邑及小都大都之吏皆主治五涂。亦有民也。符節者。如今宮中諸官詔符也。重節者。今之印章也。旌節。今使者所擁節是也。將送者。執此節以送行者。者。以道里日時課。如今郵行有程矣。以防容姦。擅有所通也。凡節有法式。藏於掌節。○郵音尤。

凡通達於天下者。必有節。以傳輔之。

必有節。言遠行無有不得節而出者也。輔之以傳者。節為信耳。傳說所齎。孫及所適。

無節者。有幾。則不達。

圖土內之。

遂人掌邦之野。

郊外曰野。此野為甸。稍縣都。

以土地之圖。經田野。造縣鄙形體之灋。五家為鄰。五鄰為里。四里為鄣。五鄣為鄙。五鄙為縣。五縣為遂。皆有地域。溝樹之。使各掌其政。令刑禁。以歲時稽其人民。而授之田野。簡其兵器。教之稼穡。

經形體。皆為制分界也。鄰。里。鄣。縣。遂。猶都內。比。閭。族。黨。州。鄉也。鄭司農云。田野之居。其比伍之名。與國中異。制故五家為鄰。玄謂異其名者。不相變耳。遂之軍法。追胥起徒役。如六鄉。○鄭作管。反。比。毗。志。反。

凡治野。以下劑致。毗。以田里安。毗。以樂昏擾。毗。以土宜教。毗。稼穡。以與勑利。毗。以時器勸。毗。以疆予任。毗。以土均平政。

變民言毗。異外內也。毗。猶憐。憐。無知貌也。致。猶會也。民雖受上田。中田。下田。及會之。以下劑為率。謂可任者。家二人。樂昏。勸其昏姻。如媒氏會男女也。擾。順也。時器。鑄作未。器錢。鑄之屬。疆。予。謂民有餘力。復予之田。若餘夫。然。政。讀為。征。土均。掌均平其稅。



鄭大夫讀勸為藉。子春讀勸為助。謂起民人令相佐助。○吐亡耕反。疆其良反。憚莫耕反。率音律。又音類。鑄音博。

辨其野之土。上地。中地。下地。以頒田里。上地。夫一廛。田百晦。萊五  
十晦。餘夫亦如之。中地。夫一廛。田百晦。萊百晦。餘夫亦如之。下地  
夫一廛。田百晦。萊二百晦。餘夫亦如之。

萊謂休不耕者。鄭司農云。戶計一夫一婦而賦之田。其一戶有  
數口者。餘夫亦受此田也。廛。居也。揚子雲有田一廛。謂百晦之  
居也。玄謂廛。城邑之居。孟子所云。五晦之宅。樹之以桑麻者也。  
六遂之民。奇受一廛。雖上地。猶有萊。皆所以饒遠也。王莽時。城  
郭中宅。不樹者為不毛。出三夫之布。○  
令力呈反。晦音似萊音來。奇居宜反。

凡治野。夫間有遂。遂上有徑。十夫有溝。溝上有畛。百夫有洫。洫上  
有涂。千夫有澮。澮上有道。萬夫有川。川上有路。以達于畿。

十夫一鄰之田。百夫一鄣之田。千夫二鄣之田。萬夫四鄣之田。  
遂。溝。洫。澮。皆所以通水於川也。遂。廣濶各二尺。溝。倍之。洫。倍溝。  
溝。廣二。澮。澮。以徑。澮。涂。道。路。皆所以通車徒於國都也。徑。容  
牛。馬。畛。容大車。涂。容乘車。一軌。道。容二軌。路。容三軌。都之野。涂  
與環涂同。可也。萬夫者。方三十三里。少半里。九而方。一。同。以。南  
畝。圖之。則遂。從。溝。橫。洫。從。澮。橫。九澮。而川。周其外焉。去山。陵。林  
麓。川。澤。溝。澮。城。郭。宮。室。涂。巷。三分之制。其餘如此。以至於畿。則  
中。雖有都。鄙。遂。人。盡主其地。○洫。况。域。反。澮。古。外。反。乘。繩。證。反。  
從。子。容。反。  
去。起。呂。反。

以歲時登其夫家之衆寡。及其六畜車輦。辨其老幼廢疾。與其施  
舍者。以頒職作事。以令貢賦。以令師田。以起政役。

登。成也。猶定也。夫家。猶言男女也。施。讀為弛。職。謂民九職也。分  
其農牧衛虞之職。使民為其事也。載。師。職。云。以物地事。授地職。  
互言矣。貢。九貢也。賦。九賦也。政。役。  
出。士。徒。役。施。式。氏。反。政。音。征。



若起野役則令各帥其所治之民而至以遂之大旗致之其不用命者誅之。

役謂師田若有功作也遂之大旗熊虎

凡國祭祀共野牲令野職。

共野牲入於牧人以待事也野職薪炭之屬

凡賓客令修野道而委積。

委積於廬宿市

大喪帥六遂之役而致之掌其政令及葬帥而屬六綽及窆陳役。

致役致於司徒給墓上事及窆也綽舉棺索也葬舉棺者謂載與說時也用綽旁六執之者天子其千人與陳役者主陳列之

耳匠師帥監之鄉師以斧涖焉大喪之正棺殯啓朝及引六鄉役之載及窆六遂役之亦卽遠相終始也鄭司農云窆謂下棺時遂人主陳役也禮記謂之封春秋謂之崩皆葬下棺也聲相似○屬音燭綽音弗窆昌涓反與說始銳反朝直遙反之封彼駭反崩補鄒反

凡事致野役而師田作野民帥而至掌其政治禁令。

遂帥各掌其遂之政令戒禁以時登其夫家之衆寡六畜車輦辯

其施舍與其可任者經牧其田野辨其可食者周知其數而任之

以徵財征作役事則聽其治訟。

施讀亦弛也經牧制田界與井也可食謂今年所當耕者也財征賦稅之事

巡其稼穡而移用其民以救其時事。

司徒教官之職



移用其民使轉相助救時急事也四時耕耨故艾芟地之宜晚早不同而有天期地澤風雨之急○艾音刈

凡國祭祀審其誓戒共其野牲

審亦聽也

入野職野賦于玉府

民所入貨賄以當九職九賦中玉府之用者

賓客則巡其道修庀其委積

巡其道修行治道路也故書庀為比鄭司農云比讀為庀庀具也○此又作庀四爾反行下孟反

大喪使帥其屬以幄帟先道野役及窆抱磨共丘籠及屨車之役

使以幄帟先者大宰也其餘司徒也幄帟先所以為葬窆之間先張神坐也道野役帥以至窆也丘籠之役窳復土也其器曰

籠屨車極路也極路載柳四輪迫地而行有似於屨因取名焉行至墳乃說更復載以龍輔屨禮記或作棹或作棧役謂執紼者鄭司農云抱磨磨下車也玄謂磨者適歷執紼者名也遂人主陳之而遂帥以名行校之○磨音歷龍力董反乃說如說反或吐活反輶勅倫反轉市專反輶市專反適音的

軍旅田獵平野民掌其禁令比叙其事而賞罰

平謂正其行列部伍也鄭司農云比讀為庀

遂大夫各掌其遂之政令以歲時稽其夫家之衆寡六畜田野辨

其可任者與其可施舍者以教稼穡以稽功事掌其政令戒禁聽

其治訟

施讀亦為弛功事九職之事民所以為功業

司豐

考工記司徒教官之職

十一

考工記



令為邑者。歲終則會政致事。

不言其遂之吏而言為邑者。容公邑及鄉大夫王子弟之采邑。政令戒禁。遂大夫亦施焉。

正歲簡稼器。修稼政。

簡猶閱也。稼器耒耜鐵基之屬。稼政孟春之月令所云皆修封疆審端徑術善相丘陵阪險原隰土地所宜五穀所殖以教道民必躬親之。○術音遂相息亮反道音導。

三歲大比。則帥其吏而興。眡其有功者。屬其地治者。

興眡舉民賢者能者如六鄉之為也。興猶舉也。屬猶聚也。又因舉吏治有功者而聚勅其餘以職事。○比眡志反屬音燭。

凡為邑者。以四達戒其功事。而誅賞廢興之。

四達者治民之事大通者有四。夫家眾寡也。六畜車輦也。稼穡耕耨也。旗鼓兵革也。

縣正各掌其縣之政令。徵比。以頒田里。以分職事。掌其治訟。趨其稼事。而賞罰之。

徵。徵召也。比。案比。○趨本又作趣音促。

若將用野民。師田行役。移執事。則帥而至。治其政令。

移執事。移用其民。鄭司農云。謂轉相佐助。

既役。則稽功會事。而誅賞。

鄙師各掌其鄙之政令。祭祀。

祭祀。祭祭也。○祭音詠。

凡作民。則掌其戒令。



作民謂起役也

以時數其衆庶。而察其媿惡而誅賞。

時四時也。媿音美。

歲終則會其鄙之政而致事。

鄴長各掌其鄴之政令。以時投登其夫家。比其衆寡。以治其喪紀。

祭祀之事。

投猶數也。

若作其民而用之。則以旗鼓兵革帥而至。若歲時簡器。與有司數之。

簡器。簡。傢器也。兵器亦存焉。有司。遂大夫。

凡歲時之戒令。皆聽之。趨其耕耨。稽其女功。

聽之。受而行之也。女功。絲枲之事。

里宰掌比其邑之衆寡。與其六畜兵器。治其政令。

邑猶里也。

以歲時合耦于耒。以治稼穡。趨其耕耨。行其秩叙。以待有司之政令。而徵斂其財賦。

考工記曰。耒廣五寸。二耒為耦。此言兩人相助。耦而耕也。鄭司農云。耒讀為藉。杜子春云。耒讀為助。謂相佐助也。玄謂耨者。里宰治處也。若今街彈之室。於此合耦。使相佐助。因放而為名。李冬之月令。命農師計耦耕事。修耒耜。具田器。是其歲時與合人



耦則牛耦亦可知也。秩叙受耦相佐助之大第。○放方往反。

鄰長掌相糾相受。

相糾相舉察。

凡邑中之政相贊。

長短使相補助。

徙三他邑則從而授之。

從猶隨也。授猶付也。

周禮卷十五 終

周禮卷十六

漢大司農北海鄭玄註

皇明後學東吳葛鼎訂

司徒教官之職

旅師掌聚野之勸粟屋粟間粟

野謂遠郊之外也。勸粟民相助作一井之中所出九夫之稅粟也。屋粟民有田不耕所罰三夫之稅粟。間粟間民無職事者所出。一夫之征粟。

而用之以質劑致民。平頒其興積。施其惠。散其利。而均其政令。

而讀為若。聲之誤也。若用之謂恤民之艱。施委積於野。如遺人於鄉里也。以質劑致民。案入稅者各會而貸之。興積所興之積。

周禮

卷十六 司徒教官之職

不復



謂粟也平頒之不得偏頗有少多縣官徵粟物曰與令云軍興是也其粟縣師徵之成師徵之而用之以賜衣食曰惠以作事業曰利均其政令者皆以國服為之息○積于賜反

**凡用粟春頒而秋斂之**

困時施之饒時收之

**凡新吐之治皆聽之使無征役以地之嫩惡為之等**

新吐新徙來者也治謂有所求乞也使無征役復之也王制曰自諸侯來徙家期不從政以地美惡為之等七人以上授以上地六口授以中地五口以下授以下地與舊民同旅師掌斂地稅而又惠施散利是以屬用新民焉○復音福

**稍人掌令丘乘之政令**

丘乘四丘為甸甸讀與維禹敵之之隙同其訓曰乘由是改云是掌令都鄙修治井邑丘甸縣都之溝涂云丘甸者舉中言之

溝涂之人各井別邑異則民之家數存焉

**若有會同師田行役之事則以縣師之灋作其同徒輦輦帥而以至治其政令以聽於司馬**

有軍旅會同田役之戒縣師受灋於司馬邦國都鄙稍甸郊異唯司馬所調以其灋作其衆庶及馬牛車輦會其車人之卒伍使皆備施鼓兵器以帥而至是以書令之耳其所調若在家邑小都大都則稍人用縣師所受司馬之灋作之帥之以致於司馬也同徒司馬所調之同凡用役者不必一時皆徧以人數調之使勞逸遞焉○輦居錄反調徒弔反遞徒禮反

**大喪帥蜃車與其役以至掌其政令以聽於司徒**

蜃車及役遂人共之稍人者野監是以帥而致之既禮日既正柩賓出遂匠納車于階間則天子以至士七柩皆從送來

**委人掌斂野之賦斂薪芻凡疏材木材凡畜聚之物**

周禮

卷七司徒教官之職

二

大輿室



野謂遠郊以外也。所斂野之賦謂野之園圃山澤之賦也。凡疏枿草木有實者也。凡畜聚之物瓜瓠葵芋禦冬之具也。野之農賦旅師斂之工商嬪婦遂師以入王府其牧則遂師又以共野牲。○畜勅六反芋于附反。

**以稍聚待賓客以甸聚待羈旅。**

**凡其余聚以待頒賜。**

聚凡畜聚之物也故書羈作奇杜子春云當為羈。余當為餘聲之誤也。餘謂縣都畜聚之物。

**以式灋共祭祀之薪蒸木材賓客共其芻薪喪紀共其薪蒸木材軍旅共其委積薪芻凡疏材共野委兵器與其野囿財用。**

式法故事之多少也薪蒸給炊及燒麤者曰薪細者曰蒸木材給張事委積薪芻者委積之薪芻也軍旅又有疏材以助禾粟

野委謂囿宿計之薪芻也其兵器謂守衛陳兵之器也野囿財用者苑圃藩籬之材○蘿音羅

**凡軍旅之賓客館焉。**

館舍也必舍此者就牛馬之用

**王均掌平土地之政以均地守以均地事以均地貢。**

政讀為征所平之稅邦國都鄙也地守虞衡之屬地事農圃之職地貢諸侯之九貢

**以和邦國都鄙之政令刑禁與其施舍禮俗喪紀祭祀皆以地嫩惡為輕重之灋而行之掌其禁令。**

施讀為施也禮俗邦國都鄙民之所行先王舊禮也君子行禮不求變俗隨其土地厚薄為之制豐省之節耳禮器曰禮也者合於天時設於地財順於鬼神合於人心理於萬物



章人掌土化之漚以物地相其宜而為之種。

土化之漚化之使美若泥勝之術也以物地占其形色為之種黃白宜以種禾之屬○相息亮反汜音凡

凡糞種駢剛用牛赤緹用羊墳壤用麋渴澤用鹿鹹瀉用貍勃壤

用狐壇壇用豕疆藥用蕒輕藥用芑

凡所以糞種者皆謂其取汁也赤緹線色也渴澤故水處也澇也貍貍也勃壤粉解者壇壇黏疏者疆藥疆堅者輕藥輕脆也鄭司農云用牛以牛骨汁漬其種也謂之糞種墳壤多益鼠也壤白色黃麻也玄謂墳壤潤解○緹音抵麋音眉渴音昔貍呼九反壇音力反壇音盧藥呼覽反蕒扶云反麋音照反線七相反貍宅官反雀符益反

稻人掌稼下地

以水澤之地種穀也謂之稼者有便稼之相凡

以豬畜水以防止水以溝蕩水以遂均水以列舍水以澮寫水以

涉楊其芟作田

鄭司農說豬防以春秋傳曰町原防規偃豬以列舍水列者非道以去水也以涉楊其芟以其水寫故得行其田中舉其芟鉤也杜子春讀蕩為和蕩謂以溝行水也玄謂偃豬者畜流水之陂也防豬旁隄也遂田首受水小溝也列田之畔也澮水尾去水大溝作猶治也開遂舍水於列中因涉之楊去前年所芟之草而治田種稻○列祿計反芟所銜反町徒頂反去起呂反畦劉音圭野音考

凡稼澤夏以水珍草而芟莠之

珍病也紹也鄭司農說芟莠以春秋傳曰芟夷蕞崇之今時謂禾下麥為莠下麥言芟刈其禾於下種麥也玄謂將以澤地為

司農

卷七司徒教官之職

四

大夏堂



探者必於夏六月之時大雨時行以水病絕草之後  
生者至秋水涸芟之明年乃稼○黃音蓋紆粉反

澤草所生種之芒種。

鄭司農云澤草之所生其地可種芒  
種芒種稻麥也○芒種章勇反注同

早曠其其零斂

稻人其零斂稻急水者也鄭司  
農云零事所發斂○曠呼且反

喪紀其其葦事。

葦以聞壙禦濕  
之物○聞音因

王訓掌道地圖以詔地事。

道說也說地圖九州形勢山川所宜告王以  
施其事也若云刑揚地宜稻幽并地宜麻

道地憲以辨地物而原其生以詔地求。

地憲者瘡蟲然也辨其物者別其所有所無原其生有時也  
以此二者告王之求也地所無及物未生則不求也鄭司農云  
地憲地所生惡物害人者  
若虺蜮之屬○虺孚目反

王巡守則夾王車。

巡守行視所守也天子以  
四海為守○行下孟反

誦訓掌道方志以詔觀事。

說四○所識久遠之事以告王觀博古  
所識者曾有大庭氏之墟報之二陵

掌道方憲以詔辟忌以知地俗。

方憲四方言語所惡也不避其忌則其方以為苟於言語也知  
地俗博事也鄭司農云以詔避忌不違其俗也曲禮曰君子行

周禮

卷七司徒教官之職

五

天農堂



禮不求變俗。○碑音避注同惡鳥路反

王巡守則夾王車。

山虞掌山林之政令。物為之厲而為之守禁。

物為之厲每物有蕃界也為之守禁為守者設禁令也守者謂其地之民占伐林木者也鄭司農云厲遮列守之○為守者丁偽反

仲冬斬陽木仲夏斬陰木。

鄭司農云陽木春夏生者陰木秋冬生者若松柏之屬玄謂陽木生山南者陰木生山北者冬斬陽夏斬陰堅濡調○濡成如竟反又音奈

凡服耜斬木以時入之。

季猶禱也服與耜宜用穉材尚柔忍也服牝服車之材

令萬民時斫材有期日。

時斫材斫材之時也有期日入山行日數為久盡物

凡邦工入山林而掄材不禁。

掄猶擇也。不禁者山林國之有不拘日也。

春秋之斫木不入禁。

非冬夏之時不得入所禁之中斫木也。斬四野之木可。

凡竊木者有刑罰。

竊盜也。

司農

農上司徒教官之職

大夏



若祭山林則為主而修除且蹕。

為主，主，辨護之也。修除，治道路場壇。

若大田獵則萊山田之野及弊田植虞旗于中致禽而珥焉。

萊，除其草萊也。弊田，田名也。植，猶樹也。田，上樹旌也。獲者皆致其禽而較其耳以知獲數也。山虞，有旗以其主山得畫熊虎其側數則矩也。鄭司農云珥者取禽左耳以効功也。大司馬職曰獲者取左耳。珥如志反又音耳。

林衡掌巡林麓之禁令而平其守。

平其守者平其地之民守林麓之部分。麓音鹿分扶問反。

以時計林麓而賞罰之。

計林麓者計其守之功也。林麓，蕃茂民不竊盜則有賞不則罰之。

若斫木材則受灋于山虞而掌其政令。

灋，萬民出入時日之期。

川衡掌巡川澤之禁令而平其守以時舍其守犯禁者執而誅罰之。

舍其守者時案視守者於其舍申戒之。

祭祀賓客共川奠。

川奠，通豆之實魚鱸蜃蛤之屬。奠音奠。饋所留反。

澤虞掌國澤之政令為之厲禁使其地之人守其財物以時入之于玉府頒其餘于萬民。

周禮

卷之六 司徒教官之職

七

承慶堂



其地之人占取澤物者因以部分使守之以時入之于王府謂  
皮角珠貝也入之以當邦賦然後得取其餘以自爲也入出亦  
有時日之期○當  
丁浪反爲于偽反

凡祭祀賓客其澤物之奠

澤物之奠亦蕪豆之實芹菲菱芡  
之屬○菲音卯菱音陵芡音險

喪紀共其葦蒲之事

葦以闔壙  
蒲以爲席

若大田獵則萊澤野及弊田植虞旌以屬禽

屬禽猶致禽而珥焉澤虞有旌以  
其主澤澤鳥所集故得注析羽

迹八掌邦田之地政爲之厲禁而守之

田之地若  
今死也

凡田獵者受令焉

今謂時  
與處也

禁麇卵者與其毒矢射者

爲其天物且害必多也麇鹿  
鹿子○麇音迷卵力管反

卯人堂金玉錫石之地而爲之厲禁以守之

錫鉛也○卯革猛反  
又號猛反錫以忍反

若以時取之則物其地圖而授之

物地占其形色知鹹淡  
也授之教取者之處

司徒教官之職

示懷堂



巡其禁令。

行其禁明其令。

角人掌以時徵齒角凡骨物於山澤之農以當邦賦之政令。

山澤出齒角骨物大者犀象其小者麋鹿。

以度量受之以共財用。

骨入漆浣者受之以量其餘以度量所中。○流戶說反度量上如字下待洛反。

羽人掌以時徵羽翮之政于山澤之農以當邦賦之政令。

翮羽本。○翻戶輩反。

凡受羽十羽為審百羽為搏十搏為縹。

審博縹羽數束名也。爾雅曰一羽謂之縹十羽謂之縹百羽謂之縹其各音相近也。羽有名蓋失之矣。

掌葛掌以時徵絺綌之材于山農凡葛征徵草貢之材于澤農以

當邦賦之政令。

草貢出澤墳紵之屬可緝績者。○墳苦迥反。

以權度受之。

以知輕重長短也。故書受或為校。杜子春云當為受。

掌染草掌以春秋斂染草之物。

染草茅蒐棗蘆豕首紫蒨之屬。○蒨音列。

以權量受之以待時而頒之。

周禮

卷之七 司徒教官之職

七

天官



權量以知輕重多少時染夏之時

掌炭掌灰物炭物之徵令以時入之

炭皆山澤之農所出也灰給津練炭之所共多

以權量受之以共邦之用凡炭灰之事

掌荼掌以時聚荼以共喪事

共喪事者以著物也既夕禮曰茵著用荼

徵野疏材之物以待邦事凡畜聚之物

荼茅莠疏材之類也因使掌焉徵者徵於山澤入於委人○畜物六反

掌蜃掌斂五物蜃物以共闈墻之蜃

五物蚌蛤之屬闈猶寒也將井椹先寒下以蜃禦濕也鄭司農說以春秋傳曰始用蜃炭言僭天子也○蚌蒲魚反

祭祀共蜃器之蜃

飾祭器之屬也鄭人職曰凡四方山川用蜃器春秋定十四年秋天王使石尚來歸蜃蜃之器以蜃飾因名焉鄭司農云蜃可令色白

共白盛之蜃

盛猶成也謂飾精使白之蜃也今東萊用蛤謂之又灰云

囿人掌囿游之獸禁

囿苑囿之離宮小苑觀處也養獸以宴樂視之禁者其蕃備也鄭司農云囿游之獸游牧之獸○觀古亂反樂音洛

牧百獸

司農

卷六 司徒教官之職

十

禮記



備養衆物也。今掖庭有鳥獸自熊虎孔雀至於狐狸鳧鶴備焉。

祭祀喪紀賓客其其生獸死獸之物

場人掌國之場圃而樹之果蓏珍異之物以時斂而藏之

果棗李之屬。蓏瓜瓠之屬。珍異蒲萄枇杷之屬。○批蒲象反把白加反

凡祭祀賓客共其果蓏享亦如之

享納牲

廩人掌九穀之數以待國之匪頒賜賜稍食

匪讀為分分頒謂委人之職諸委積也。賜謂王所賜子給好用之式也。稍食祿廩。○食音嗣注同好呼報反

以歲之上下數邦用以知足否以詔穀用以治年之凶豐

數猶計也。上時掌反

凡萬民之食食者人四鬴上也人三鬴中也人二鬴下也

此皆謂一月食米也。六斗四升曰鬴

若食不能人二鬴則令邦移民就穀詔王殺邦用

就穀就都鄙之有者殺猶減也。○殺所界反

凡邦有會同師役之事則治其糧與其食

治謂米也。二音備

大祭祀則共其接盛

接讀為一扱再祭之扱扱以授春人春之。大祭祀之穀藉田之收藏於神倉者也不以給小用。○扱初洽反







凶而頒之。

主猶殺也殺餘瀆用謂道路之委積所以豐優賓客之屬

凡國之大事共道路之穀積食飲之具。

大事謂喪戎

司祿

司稼掌巡邦野之稼而辨種稂之種周知其名與其所宜地以為

灋而縣于邑閭。

周備備也備知種所宜之地縣以示民後年種穀用為灋也○種章勇反

巡野觀稼以年之上下出斂灋。

斂灋者豐年從凶荒則損若今十傷一實除減半

掌均萬民之食而明其急而平其興。

均謂度其多少賜粟其艱阨與所徵賦

春人掌共米物。

米物言非一米

祭祀共其盥盛之米。

盥盛謂黍稷稻粱之屬可盛以為盥盛實

賓客共其牢禮之米。

謂可以實筐筥

周禮

卷三 司徒教官之職

三

永懷堂



凡饗食共其食米

饗有食米則饗禮兼燕與食

掌凡米事

饌人掌凡祭祀共盛

炊而共之

共王及后之六食

六食六穀之飯

凡賓客共其簋豆之實

謂致殯饗

饗食亦如之

冢人掌共外內朝宀食者之食

外朝可冠斷獄辨訟之朝也今司徒府中有百官朝會之殿天子與丞相舊決大尊焉是外朝之存者與內朝路門外之朝也宀食者謂留治文書者今尚書之屬諸直上者

若饗耆老孤子士庶子共其食

士庶子卿大夫士之子弟宿衛王宮者

掌黍祭祀之犬

養犬豕曰豢不於饌人言其共至尊雖其潘瀾或餘不可褻也

周禮卷十六

司禮

司徒教官之職

古

承復堂



Blank area for text on the right page.

周禮卷十七

漢大司農北海鄭玄註

皇明後學東吳金蟠訂

春官宗伯第三

惟王建國辨方正位體國經野設官分職以為民極乃立春官宗伯使帥其屬而掌邦禮以佐王和邦國

禮謂諸禮五吉凶賓軍嘉其別三十有六鄭司農云宗伯主禮之官故書堯典曰帝曰咨四岳有能典朕三禮僉曰伯夷帝曰俞咨伯汝作秩宗宗官又主鬼神故國語曰使百姓之後能知四時之生犧牲之物玉帛之類采服之宜彝器之量水土之度屏攝之位壇場之所上下之神祇民姓之所出而率舊典者為之宗春秋禘于大廟躋僖公而傳曰夏父弗忌為宗人又曰使

周禮

卷六宗伯禮官之屬

春官



唐制

宗人豐夏獻其禮禮特牲曰宗人升自西階視壺灌及豆籩然則唐虞歷三代以宗官典國之禮與其祭祀漢之大常是也○大廟音泰 豐虛觀反

禮官之屬。大宗伯。卿一人。小宗伯。中大夫二人。肆師。下大夫四人。上士八人。中士十有六人。旅。下士三十有二人。府六人。史十有二人。胥十有二人。徒百有二十人。

肆。猶陳也。肆師。佐宗伯陳列祭祀之位。及牲器黍稷。

鬱人。下士二人。府二人。史一人。徒八人。

鬱。鬱金香草。宜以和鬯。

鬯人。下士二人。府一人。史一人。徒八人。

鬯。釀秬為酒。芬香條暢於上下也。秬如黑黍。一稔二米。○秬其許反。稔音孚。

雞人。下士一人。史一人。徒四人。

司尊彝。下士二人。府四人。史二人。胥二人。徒二十人。

彝。亦尊也。鬯。鬯曰彝。彝。澆也。言為尊之澆也。

司几筵。下士二人。府二人。史一人。徒八人。

筵。亦席也。鋪陳曰筵。藉之曰席。然其言之。筵席通矣。

天府。上士一人。中士二人。府四人。史二人。胥二人。徒二十人。

府。物所藏。言天者。尊此所藏。若天物然。

典瑞。中士二人。府二人。史二人。胥一人。徒十人。

司禮

卷七 宗伯禮官之屬

二

天官



瑞節信也典瑞若今符璽郎

典命中士二人府二人史二人胥一人徒十人

命謂王遷秩羣臣之書

司服中士二人府二人史一人胥一人徒十人

典祀中士二人下士四人府二人史二人胥四人徒四十人

守祧奄八人女祧每廟二人奚四人

遠廟曰祧周為文王武王廟遷主藏焉奄如今之宦者女祧女奴有才知者天子七廟三昭三穆奚女奴也○為于偽反知音

世婦每宮卿二人下大夫四人中士八人女府二人女史二人奚

十有六人

世婦后官官也王后六宮漢始大長秋詹事中少府大僕亦用士八人女府女史女奴有才智者○少詩照反

內宗凡內女之有爵者

內女王同姓之女謂之內宗有爵其嫁於大夫及士者凡無常數之言

外宗凡外女之有爵者

外女王諸姑姊妹之女謂之外宗

冢人下大夫二人中士四人府二人史四人胥十有二人徒百有二十八

冢人上為丘壠空冢而為之



墓大夫下大夫二人中士八人府二人史四人胥二十人徒二百人

墓家塋之地孝子所  
思養之處○塋音營

職炎上士二人中士四人下士八人府二人史四人胥四人徒四  
十人

職主  
也

大司樂中大夫二人樂師下大夫四人上士八人下士十有六人  
府四人史八人胥八人徒八十人

大司樂樂官之長○  
長丁文反後比放此

大胥中士四人小胥下士八人府二人史四人徒四十人

胥有才知之稱禮記文王世子  
子曰小樂正學于大胥佐之

大師下大夫二人小師上士四人瞽矇上瞽四十人中瞽百人下  
瞽百有六十人眡矇三百人府四人史八人胥十有二人徒百有

二十人

凡樂之歌必使瞽矇為焉命其賢知者以為大師小師晉杜蒯  
云曠也大師也眡讀為虎眡之眡矇目明者鄭司農云無目朕  
謂之瞽有目朕而無見謂之矇  
有目無眸子謂之眡○眡音視

典同中士二人府一人史一人胥二人徒二十人

同陰律也不以陽律各官者因其先言耳書曰協時  
月正日同律度量衡大師職日執同律以聽軍聲



磬師中士四人下士八人府四人史二人胥四人徒四十人

鐘師中士四人下士八人府二人史二人胥六人徒六十人

笙師中士二人下士四人府二人史二人胥一人徒十人

搏師中士二人下士四人府二人史二人胥二人徒二十人

搏如鍾而大  
搏音博

鞀師下士二人府一人史一人舞者十有六人徒四十人

鄭司農說以明堂位曰鞀東夷之樂讀如味飲食之味杜子春讀鞀為殊莖莖著之味玄謂讀如鞀鞀之鞀○鞀莫拜反味莫戒反又音味莖直基反著直居反鞀古洽反

旄人下士四人舞者衆寡無數府二人史二人胥二人徒二十人

旄旄牛尾舞者所持以指麾

籥師中士四人府二人史二人胥二人徒二十人

籥舞者所吹春秋宣八年壬午猶釋萬入去籥傳曰去其有聲者廢其無聲者詩云左手執籥右手秉翟○去起呂反

籥章中士二人下士四人府一人史一人胥二人徒二十人

籥章吹籥以為詩章

鞀鞀氏下士四人府一人史一人胥二人徒二十人

鞀讀如屨也鞀屨四夷舞者所屣也今時倡蹋鼓者行者自有屣○鞀丁兮反鞀九具反蹋徒臘反

典庸器下士四人府四人史二人胥八人徒八十人

庸功也鄭司農云庸器有功者錡器銘其功春秋傳曰以所得於齊之兵作林鍾而銘魯功焉

宗伯禮官之屬



司干下士二人。府二人。史二人。徒二十人。

干，舞者所持，謂楯也。春秋傳曰：萬者何，干舞也。楯，食允反。

大卜下大夫二人。下師上士四人。卜人中士八人。下士十有六人。

府二人。史二人。胥四人。徒四十人。

問龜曰卜，大卜，卜筮官之長。

龜人中士二人。府二人。史二人。工四人。胥四人。徒四十人。

工，取龜攻龜。

華氏下士二人。史一人。徒八人。

雥，煖用荆華之類。○華，時髓反。煖，哉灼反。煖，音俊。

占人下士八人。府一人。史二人。徒八人。

占，著龜之卦兆吉凶。

冢人中士二人。府一人。史二人。徒四人。

問著曰筮，其占易。

占夢中士二人。史二人。徒四人。

眠祲中士二人。史二人。徒四人。

祲，陰陽氣相侵，漸成祥者。魯史梓慎云：吾見赤黑之祲。○祲，子鳩反。

大祝下大夫二人。上士四人。小祝中士八人。下士十有六人。府二

人。史四人。胥四人。徒四十人。



大祝 祝官之長

喪祝 上士二人 中士四人 下士八人 府二人 史二人 胥四人 徒四十八人

甸祝 下士二人 府一人 史一人 徒四人

甸之言田也 田狩之祝 甸音電

詛祝 下士二人 府一人 史一人 徒四人

詛謂祝之使沮敗也 詛側慮反祝之又反

司巫 中士二人 府一人 史一人 胥一人 徒十人

司巫 巫官之長

男巫無數 女巫無數 其師中士四人 府二人 史四人 胥四人 徒四十人

巫能制神之 處位次主者

大史 下大夫二人 上士四人 小史 中士八人 下士十有六人 府四人 史八人 胥四人 徒四十人

大史 史官之長

馮相氏 中士二人 下士四人 府二人 史四人 徒八人

馮乘也 相祝也 世登高臺以視天文之次序 天文屬大史 月令曰 乃命大史守典 奉灋司天 日月星辰之行 宿離不貸 馮音 憑 相息 亮反



保章氏中士二人下士四人府二人史四人徒八人

保守也世守天文之變

內史中大夫一人下大夫二人上士四人中士八人下士十有六人府四人史八人胥四人徒四十人

外史上士四人中士八人下士十有六人胥二人徒二十人

御史中士八人下士十有六人其史百有二十人府四人胥四人徒四十人

御猶侍也進也其史百有二十人以掌贊書人多也

巾車下大夫二人上士四人中士八人下士十有六人府四人史

八人五百人胥五人徒五十人

巾猶衣也巾車車官之長○衣於旣反

典路中士二人下士四人府二人史二人胥二人徒二十人

略王之所乘車

車僕中士二人下士四人府二人史二人胥二人徒二十人

司常中士二人下士四人府二人史二人胥四人徒四十人

司常主王旌旗

都宗人上士二人中士四人府二人史四人胥四人徒四十人

都謂王子弟所封及公卿所食邑



周禮

卷十七

宗伯

宗伯

家宗人如都宗人之數

家謂大夫所食采邑

凡以神士者無數以其藝為之貴賤之等

以神士者男巫之倭有學問才知者藝謂禮樂射御書數高者為上士次之為中士又次之為下士

周禮卷十七終

周禮卷十八

漢大司農北海鄭玄註

皇明後學東吳葛粟訂

宗伯禮官之職

天宗伯之職掌建邦之天神人鬼地示之禮以佐王建保邦國

建立也立天神地祇人鬼之禮者謂祀之祭之享之禮吉禮是也保安也所以佐王立安邦國者主謂凶禮賓禮軍禮嘉禮也目吉禮於上承以立安邦國者互以相成明尊鬼神重人事示音祇本或作祗下神示地示皆倣此

以吉禮事邦國之鬼神示

事謂祀之祭之享之故書吉或為告杜子春云書為告禮者非是當為吉禮書亦多為吉禮吉禮之別十有二

周禮

卷十八宗伯禮官之職

宗伯



以禋祀祀昊天上帝以實柴祀日月星辰以槱燎祀司中司命

禋之言煙周人尚臭煙氣之良聞者槱積也詩曰凡九棫樸薪之槱之三祀皆積柴實牲體焉或有玉帛燔燎而升煙所以報陽也鄭司農云昊天上帝也昊天上帝樂以雲門實

柴實牛柴上也故書實柴或為實柴司中三能三階也司命文昌宮星風師箕也雨師畢也玄謂昊天上帝冬至於圓丘所祀天皇大帝星謂五緯辰謂日月所會十二次司中司命文昌第五第四星或曰中能上也祀五帝亦用實柴之禮云槱羊九反觀音風亢薄工反棧音域樸音卜能他來反

以血祭祭社稷五祀五嶽以狸沈祭山林川澤以醯辜祭四方百物

不言祭地此皆地祇祭地可知也陰祀自血起貴氣臭也社稷土穀之神有德者配食焉共工氏之子曰句龍食於社有厲山

氏之子曰柱食於稷湯遷之而祀棄故書記作稷謂為罷鄭司農云禋當為祀書亦或作祀五祀五色之帝於王者宮中曰五祀罷辜披磔牲以祭若今時磔狗祭以止風玄謂此五祀皆五官之神在四郊四時迎五行之氣於四郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰黎為祝融后土食於火土五嶽東曰岱宗南曰衡山西曰華山北曰恒山中曰嵩高山不見四寶者四寶五嶽之匹或省文祭山林曰埋川澤曰沈順其性之含藏醢醢牲胷也醢而磔之謂磔攘及蜡祭郊特牲曰八蜡以祀四方四方年不順成八蜡不通以謹民財也又曰蜡之祭也主先嗇而祭司嗇也祭百種以報嗇也饗農及郵表饗禽獸仁之至義之盡也○狸亡皆反醢乎通反共音恭句古侯反禋音禋罷芳皮反磔張格反食此音嗣重直龍反磔攘如羊反蜡十詐反種章勇反醯音緘

以肆獻裸享先王以饋食享先王以祠春享先王以禴夏享先王以嘗秋享先王以烝冬享先王

同禮

卷八 宗伯禮官之職

二

承讓堂



宗廟之祭有此六享肆獻饋食在四時之上則是禘也禘也肆者進所解牲體謂薦熟時也獻獻醴謂薦血腥也禘之言灌灌以鬱鬯謂始獻尸求神時也郊特牲曰魂氣歸于天形魄歸于地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦熟於禘逆言之者與下共文明六享俱然禘言肆獻禘禘言饋食者著有黍稷互相備也魯禮三年喪畢而禘於大祖明年春禘於羣廟自爾以後率五年而再殷祭一禘一禘○肆他歷反解骨體禘古亂反率五音律

以凶禮哀邦國之憂

哀謂救患分哉凶禮之別有五

以喪禮哀死亡

喪謂親者服焉疏者舍禘○舍戶暗反禘音送

以荒禮哀凶札

荒人物有害也曲禮曰歲凶年穀不登君膳不祭肺馬不食穀馳道不除祭事不縣大夫不食梁士飲酒不樂札讀為截謂疫厲縣

以弔禮哀既裁

弔裁謂遭水火宋大水魯莊公使人弔焉曰天作淫雨害於棗盛如何不弔廐徒孔子拜鄉人為火來者拜之士一大夫再亦和弔之道○

為火于偽反

以禴禮哀國敗

同盟者會合財貨以更其所喪春秋襄三十年冬會于澶淵宋裁故是其類○禴古外反更音庚喪息澶反澶善然反

以恤禮哀寇亂

恤憂也鄰國相憂兵作於外為寇作於內為亂



以賓禮親邦國

親謂使之相親附  
賓禮之別有八

春見曰朝。夏見曰宗。秋見曰覲。冬見曰遇。時見曰會。殷見曰同。

此六禮者以諸侯見王為文。六服之內四方以時分來或朝春或宗夏或覲秋或遇冬各殊禮異更遞而徧朝猶朝也欲其來之早宗尊也欲其尊王觀之言勤也欲其勤王之勤王之事遇偶也欲其若不期而偶至時見者言無常期諸侯有不順服者王將有征討之事則既朝觀王為壇於國外合諸侯而命事焉春秋傳曰有事而會不協而盟是也殷猶衆也十二歲王如不巡守則六服盡朝朝禮既畢王亦為壇合諸侯以命政焉所命之政如王巡守殷見四方四時分來終歲則徧。曰朝直遙反遞音弟徧朝張遙反

時聘曰問。殷類曰視。

時聘者亦無常期天子有事乃聘之焉竟外之臣既非朝歲不敢瀆為小禮殷覲謂一服朝之歲以朝者少諸侯乃使卿以大禮衆聘焉一服朝在元年七年十一年。○覲他平反竟音境

以軍禮同邦國

同謂威其不協僭差者軍禮之別有五

大師之禮用衆也

用其義與

大均之禮恤衆也

均其地政地守地職之賦所以憂民

大田之禮簡衆也



古者因田習兵，閱其車徒之數。

**大役之禮，任衆也。**

築宮邑，所以事民力強弱。

**大封之禮，合衆也。**

正封疆溝塗之固，所以合聚其民。

**以嘉禮親萬民。**

嘉善也，所以因人心所善者而爲之制，嘉禮之別有六。

**以飲食之禮親宗族兄弟。**

親者使之相親，人君有食宗族飲酒之禮，所以親之也。文王世子曰：族食世降一等。大傳曰：繫之以姓而弗別，綴之以食而弗

殊百世而昏姻不通者，罔道然也。○別彼列反。

**以昏冠之禮親成男女。**

親其恩成其性。○冠古亂反。

**以賓射之禮親故舊朋友。**

射禮，雖王亦立賓主也。王之故舊朋友爲世子時共在學者，天子亦有友，諸侯之義武王誓曰：我友邦冢君是也。司寇職有議故之辭，議賓之辭。

**以饗燕之禮親四方之賓客。**

賓客謂朝聘者。

**以賑膳之禮親兄弟之國。**

同禮。

卷八 宗伯禮官之職



張騰社稷宗廟之肉以賜同姓之國同福祿也兄象有共先王者魯定公十四年天王使石尚來歸賑○賑上忍反騰音煩

以賀慶之禮親異姓之國

異姓王昏  
姻甥舅

以九儀之命正邦國之位

每命異儀貴賤之位乃正春秋傳曰各位不同禮亦異數

壹命受職

始見命為正吏謂列國之士於子男為大夫王之下士亦一命鄭司農云受職治職事

再命受服

鄭司農云受服受祭衣服為上士玄謂此受玄冕之服列國之大夫再命於子男為卿卿大夫自玄冕而下如孤之服王之中

上非再命  
則爵亦服

三命受位

鄭司農云受下大夫之位玄謂此列國之卿始有列位於王為王之臣也王之上士亦三命

四命受器

鄭司農云受祭器為上大夫玄謂此公之孤始得有祭器者也禮運曰大夫具官祭器不假聲樂皆具非禮也王之下大夫亦

命

五命賜則

鄭司農云則者法也出為子男玄謂則地未成國之名王之下大夫四命出封加一等五命賜之以方百里二百里之地者方三百里以上為成國王莽時以二十五成為則方五十里合今俗說子男之地獨劉子駿等識古有此制焉

周禮

卷八 宗伯禮官之職

六

承懷堂



六命賜官

鄭司農云子男入為卿浴一言也玄謂此王六命之卿賜官者使得自置其臣治家邑如諸侯春秋襄十八年冬晉侯以諸侯圍齊荀偃為君禱河既陳齊侯之罪而曰曾臣彪將率諸侯以討焉其官臣偃實先後之○先悉薦反後胡豆反

七命賜國

王之卿六命出封加一等者鄭司農云出就侯伯之國

八命作牧

謂侯伯有功德者加命得專征伐於諸侯鄭司農云一州之牧王之三公亦八命

九命作伯

上公有功德者加命為二伯得征五侯九伯者鄭司農云長諸侯為方伯

以玉作六瑞以等邦國

等猶齊等也

王執鎮圭

鎮安也所以安四方鎮圭者蓋以四鎮之山為瑑飾圭長尺有二寸

公執桓圭

公二王之後及王之上公雙植謂之桓桓官室之象所以安其上也桓圭蓋亦以桓為瑑飾圭長九寸

侯執信圭伯執躬圭

信當為身聲之誤也身圭躬圭蓋皆象以人形為瑑飾文有龍虎耳欲其慎行以保身圭皆長七寸○信音身行下孟反

子執穀璧男執蒲璧

周禮

宗伯禮官之職

七

禮記



穀所以養人，蒲為席，所以安人，二玉蓋，或以穀為飾，或以蒲為象，飾璧皆徑五寸，不執圭者，未成國也。

以禽作六摯，以等諸臣。

摯之言至，所執以自致。摯本或作贊。

孤執皮帛，卿執羔，大夫執雁，士執雉，庶人執鶩，工商執雞。

皮帛者，束帛而表以皮為之，節皮虎豹皮帛如今璧色繪也，羔小羊，取其羣而不失其類，鴈取其候時而行，雉取其守介而死，不失其節，鶩取其不飛遷，雞取其守時而動，曲禮曰：飾羔鴈者以績，謂衣之以布而又畫之者，自雉以下，執之無飾，士相見之禮，卿大夫飾摯以布，不言績，此諸侯之臣與天子之臣異也，然則天子之孤，飾摯以虎皮，公之孤，飾摯以豹皮，與此孤卿大夫士之摯，皆以爵不以命數，凡摯無庭實，水於既反。

以玉作六器，以禮天地四方。

禮謂始告神時，薦於神坐，書曰：周公祖，璧秉圭是也。

以蒼璧禮天，以黃琮禮地，以青圭禮東方，以赤璋禮南方，以白琥禮西方，以玄黃禮北方。

此禮天以冬至，謂天皇大帝在北極者也，禮地以夏至，謂神在崑崙者也，禮東方以立春，謂蒼精之帝而太昊句芒食焉，禮南方以立夏，謂赤精之帝而炎帝祝融食焉，禮西方以立秋，謂黑精之帝而顓頊食焉，禮北方以立冬，謂黑精之帝而顓頊食焉，禮神者必象其類，璧圓象天，琮八方象地，圭銳象春，琥初生半圭曰璋，象夏物半死，琥狂象秋，嚴半璧曰璜，象冬，璜也，上無物唯天，半見，音倫。

皆有牲幣，各放其器之色。

幣以從，無若人飲酒，有酬幣，放方往反。



以天產作陰德以中禮防之以地產作陽德以和樂防之

鄭司農云陰德謂男女之情天性生而自然者過時則奔隨先時則血氣未定聖人為制其中令民三十而娶女二十而嫁以防其淫泆令無失德情性隱而不露故謂之陰德陽德謂分地科以致富富者之失不驕奢則吝嗇故以和樂防之樂所以滌蕩邪穢道人之正性者也一說地產謂土地之性各異若齊性舒緩楚性急悍則以和樂防其失令無失德樂所以移風易俗者也此皆露見於外故謂之陽德陽德陰德不失其正則民和而物各得其理故曰以諧萬民以致百物玄謂天產者動物謂六牲之屬地產者植物謂九穀之屬陰德陰氣在人者陰氣虛純之則劣故食動物作之使動過則傷性制中禮以節之陽德陽氣在人者陽氣盈純之則躁故食植物作之使靜過則傷性制和樂以節之如是然後陰陽平情性和而能育其類○為制于偽反令力是反

以禮樂合天地之化百物之產以事鬼神以諧萬民以致百物

禮濟虛樂損盈並行則四者乃得其和能生非類曰化主其種曰產

凡祀大神享大鬼祭大示帥執事而卜日宿眠滌濯泣玉鬯省牲

饗奉玉盥詔大號治其大禮詔相王之典禮

執事諸有事於祭者宿中戒也滌濯灑祭器也玉禮神之玉也始滌之祭又奉之饗烹牲器也大號六號之大者以詔大祝以為祝辭治猶簡習也豫簡習大禮至祭當以詔相王羣臣禮為小禮故書滌作立鄭司農讀為滌治視也○饗戶郭反盥音咨詔相息亮反後詔相皆放此概古愛反亨普庚反

若王不與祭祀則攝位

王有故代行其祭事○與音預

凡大祭祀王后不與則攝而薦豆蓬薇

司禮

宗伯禮官之職

七

禮記



薦徹豆籩  
王后之事  
九  
永懷堂

大賓客則攝而載果

載為也。果讀為裸。代王裸賓客以禮。君無酌臣之禮言為者。攝酌獻耳。拜送則王也。鄭司農云。王不親為主。

朝覲會同則為上相。大喪亦如之。王哭諸侯亦如之。

相詔王禮也。出接賓曰擯。入詔禮曰相。相者五人。卿為上。擯犬喪。王后及世子也。哭諸侯者謂薨於國為位而哭之。檀弓曰。天子之哭諸侯也。爵弁經紵衣。紵側其反。

王命諸侯則償

償。進之也。王將出命假祖廟立依前南鄉。償者進當命者延之。命使登內史由王右以策命之。降再拜稽首。登受策以出。此其畧也。諸侯爵祿其臣則於祭焉。○假音格。依於豈反。鄉許亮反。

國有大故則旅上帝及四望

故謂凶。旅。族陳也。陳其祭事以祈焉。禮不如祀之備也。上帝。五帝也。鄭司農云。四望。日月星海。玄謂四望。五嶽。四鎮。四瀆。

王大封則先告后土

后土。土神也。黎所食者。


乃頒祀于邦國都家鄉邑

頒讀為班。班其所當祀及其禮。都家之鄉邑。謂王子弟及公卿大夫所食采地。

周禮卷十八終

周禮 卷十八 宗伯禮官之職 十 永懷堂





周禮卷十九

漢大司農北海鄭玄註

皇明後學東吳金蟠訂

宗伯禮官之職

小宗伯之職掌建國之神位右社稷左宗廟

庫門內雉門外之左右故書位作立鄭司農云立讀為位古者立位同字古文春秋經公即位為公即位

兆五帝於四郊四望四類亦如之

兆為壇之營城五帝蒼曰靈威仰大昊食焉赤曰赤熛怒炎帝食焉黃曰含樞紐黃帝食焉白曰白招拒少昊食焉黑曰汁光紀額頊食焉黃帝亦於南郊鄭司農云四望道氣出入四類三皇五帝九皇六十四民咸祀之玄謂四望五嶽四鎮四竇四類

周禮

卷九

宗伯禮官之職

宗伯禮官之職



兆山川丘陵墳衍各因其方。

順其所在。

掌五禮之禁令與其等用。

用等，牲器尊卑之差。鄭司農云：五禮，吉凶軍賓嘉。

辨廟祧之昭穆。

祧，遷主所藏之廟。自始祖之後，父曰昭，子曰穆。

辨吉凶之五服車旗宮室之禁。

五服，王及公卿大夫士之服。

日月星辰，運行無常，以氣類為之位。兆，日於東郊，月與風師於西郊。兆，司中司命於南郊，兆，雨師於北郊。○汁，子集反。

掌三族之別以辨親疏。其正室皆謂之門子，掌其政令。

三族，謂父子孫，人道之正名。喪服小記曰：親親以三為五，以五為九，正室適子也。將，代父當門者也。政令，謂役守之事。○適，丁歷反。

毛六牲，辨其名物而頒之于五官，使其奉之。

毛，擇毛也。鄭司農云：司徒主牛，宗伯主雞，司馬主馬及羊，司空主犬，司空主豕。

辨六齋之名物與其用，使六官之人共奉之。

齋，讀為菜。六菜，謂六穀、黍、稷、稻、粱、麥、苽。○苽，音孤。

辨六犴之名物，以待果將。

六犴，雞、彘、鳥、犴、犴、黃、彘、虎、彘、雌、彘。果，讀為裸。○犴，音假，又音嫁。雌，音誅。

司禮 宗伯禮官之職 二 水廣堂



辨六尊之名物以待祭祀賓客。

待者有事則給之。鄭司農云：六尊獻尊、象尊、壺尊、著尊、大尊、山尊。○獻素何反。著直畧反。大音泰。

掌衣服車旗宮室之賞賜。

王以賞賜有功者。書曰：車服以庸。

掌四時祭祀之序事與其禮。

序事，十日省牲視滌濯。饗饗之事，次序之時。

若國大貞則奉玉帛以詔號。

詔，神號。幣號，鄭司農云：人貞，謂卜立君，卜大封。

大祭祀省牲，祗滌濯。祭之日，逆盥省鑊，告時于王，告備于王。

凡祭祀賓客以時將瓚裸。

逆盥，受儻人之盛以入省鑊。視亨腥孰時，薦陳之。瓚，備，謂饌具。○備，目志反。亨，普庚反。將，送也。猶奉也。祭祀以時奉而授王，賓客以時奉而授宗伯。天子圭瓚，諸侯璋瓚。

詔相祭祀之小禮。凡大禮佐大宗伯。

小禮，羣臣之禮。

賜卿大夫士爵則儻。

賜，猶命也。儻之，如命。諸侯之儀，春秋文元年，天王使毛伯來錫，公命，傳曰：錫者何，賜也。命者何，加我服也。

小祭祀掌事。如大宗伯之禮。大賓客受其將幣之齋。

謂所齋來貢獻之財物。○齋，子弓反。



若大師則帥有司而立軍社奉主車。

有司大祝也。王出軍必先有事於社及遷廟而以其主行。社主曰軍社。遷主曰祖。春秋傳曰軍行旅社。擊鼓祝奉以從。曾子問曰天子巡守以遷廟主行。載于齊車。言必有尊也。書曰用命賞于祖。不用命戮于社。社之主蓋用石為之。奉謂將行。○祓乎物反。從才用反。齊車側皆反。

若軍將有事則與祭有司將事于四望。

軍將有事將與敵合戰也。鄭司農云則與祭謂軍祭表禡軍社之屬。小宗伯與其祭事。玄謂與祭有司謂大祝之屬。蓋司馬之官實典焉。○與音預。

若大甸則卽有司而饁獸于郊遂頒禽。

甸讀曰田。有司大司馬之屬。饁饋也。以禽饋四方之神於郊。郊有群臣之兆。頒禽謂以予羣臣。詩傳曰禽雖多擇取二十焉。其

餘以予大夫士以習射於澤宮而分之。○饁于甄反。

大禘及執事禱祠于上下神示。

執事大祝及男巫女巫也。求福曰禱。得求曰祠。禘曰禱爾于上下神祇。鄭司農云小宗伯與執事共禱祠。○禘音誅。

王崩大肄以秬鬯泚。

鄭司農云大肄大浴也。杜子春讀泚為泚以秬鬯泚。泚玄謂人肆如陳尸伸之。○泚亡婢反。

及執事涖大斂小斂帥異族而佐。

執事大祝之屬。涖瀉也。親斂者及事官之屬為之。喪大記曰小斂衣十九稱。大斂衣五十稱。大斂衣五十稱。士三十稱。異族佐斂。疏者可以相助。

縣衰冠之式于路門之外。

司農

宗伯禮官之職

四

水鏡堂



制色宜齊同。○縣音玄。衰七雷反。

及執事賦葬獻器。遂哭之。

執事，蓋梓匠之屬。至將葬，獻明器之材，又獻素獻。成皆於窆門外。王不親哭，有官代之。

卜葬兆。甫窆，亦如之。

兆，墓。登或甫始也。鄭大夫讀窆皆為窆。杜子春讀窆為桑。皆謂葬穿墳也。今南陽名穿地為窆。聲如腐脆之豚。○窆昌相反。杜昌銳反。脆七歲反。辟音卒。

既葬，詔相喪祭之禮。

喪祭，虞祔也。檀弓曰：葬日虞，弗忍一日離也。是日也，以虞易奠。卒哭日成事，是日也，以吉祭。易喪祭，明日祔于祖父。

成葬而祭墓為位。

成葬，丘已封也。天子之冢，蓋不一日而畢。位，壇位也。先祖形體託於此地，祀其神以安之。冢人職曰：大喪既，有日，請度甫窆，遂為之。

凡王之會同軍旅，甸役之禱祠，肄儀為位。

肄，習也。故書肄為肆。儀為義。杜子春讀肆當為肄。義為儀。若今時肆司徒府也。小宗伯主其位。○肆以志反。李似二反。

國有禍，裁則亦如之。

謂有所禱祈。

凡天地之大，裁類社稷宗廟，則為位。

禱祈禮輕類者，依其正禮而為之。

凡國之大禮，佐大宗伯。凡小禮，掌事。如大宗伯之儀。



肆師之職掌立國祀之禮以佐大宗伯。

佐助也。

立大祀用玉帛牲牲。立次祀用牲幣。立小祀用牲。

鄭司農云大祀天地次祀日月星辰小祀司命已下玄謂大祀又有宗廟次祀又有社稷五祀五嶽小祀又有司中風師雨師山川百物。

以歲時序其祭祀及其祈珥。

序第次其先後大小故書祈為幾杜子春讀幾當為祈珥當為珥玄謂祈當為進禩之禩珥當為珥禩者禩禮之事雜記口成廟則禩之雍人舉羊升屋自中中屋南面到羊血流于前乃降門夾室皆用雞其血皆於屋下割雞門當門夾室中室然則是禩謂羊血也小子職曰掌珥于社稷祈于五祀是也亦謂其宮兆始成時也春秋僖十九年夏邾人執郕子用之傳口用之。

者何蓋中其鼻以珥社也。珥而志反注珥同到苦圭反。

大祭祀展犧牲繫于牢頒于職人。

展省闕也職讀為犧犧可以繫牲者此職人謂充人及監門人。職劉之弋反威音弋注犧同監古銜反。

凡祭祀之卜日宿為期詔相共禮既滌濯亦如之。

宿先卜祭之文。

祭之日表齋盛告潔展器陳告備及果築鬻相洽小禮誅其慢怠者。

案六穀也在器曰盛陳陳列也果築鬻者所築鬻以祿也故書表為剗剗長皆謂微也鄭司農云築黃葉香草黃以為鬻。果古亂反下同鬻音黃。相息亮反鬻式志反。

司禮

卷九 宗伯禮官之職

六

承襲堂



周禮

掌兆中廟中之禁令

兆壇坐城

凡祭祀禮成則告事畢大賓客蒞筵几築幣

此王所以禮賓客

贊果將

酌鬱鬯投大宗伯載裸

大朝覲佐饋

為承饋

共設匪饗之禮

設於賓客之館公食大夫禮曰若不親食使大夫以侑幣致之豆實實于簠蓋實實于篚匪其篚字之誤與禮不親饗則以酬幣致之或者匪以致饗○食音嗣

饗食投祭

授賓祭肺

與祝侯禴于壘及郊

侯禴小祝職也壘五百里遠郊百里近郊五十里

大喪大泚以鬯則築幣

築香草煮以為鬯以浴尸香草鬱也

令外內命婦序哭

禮記

宗伯禮官之職

七

承襲堂



京、安、相、次、秩

禁外內命男女之衰不中瀆者且授之杖

外命男六鄉以出也內命男朝廷卿大夫士也其妻為外命女喪服為夫之君齊衰不杖內命女王之三夫人以下不中法違升數與裁制者鄭司農云三日授子杖五日授大夫杖七日授士杖此善說也喪大記曰君之喪三日子夫人杖五日既殯授大夫世婦杖無七日授士杖文宣謂授杖日數王喪依諸侯與七日授士杖四制云○衰七雷反中丁仲反為夫子偽反下為同取

凡師甸用牲于社宗則為位

社軍社也宗遷主也尚書傳曰王升舟入水鼓鐘亞觀臺亞將舟亞宗廟亞故書位為涖杜子春云涖當為位書亦或為位宗謂宗廟○甸音田

類造上帝封于大神祭兵于山川亦如之

造猶卽也為兆以類禮卽祭上帝也類禮依郊祀而為之者封謂壇也大神社及方嶽也山川蓋軍之所依止大傳曰牧之野武王之大事也既事而退柴於上帝祈于社設奠於牧室○造七報反

凡師不功則助牽主車

助助大司馬也故書功為王鄭司農工讀為功古者工與功同字謂師無功肆師助牽之恐為敵所得

凡四時之大甸獵祭表貉則為位

貉師祭也貉讀為十百之百於所立表之處為師祭造軍法者禱氣勢之增倍也其神蓋蚩蚩或曰黃帝○貉音陌蚩音尤

嘗之日涖卜來歲之芟

芟芟草除田也古之始耕者除田種穀嘗者嘗新穀此芟之功也卜者問後歲宜芟不詩云載芟載柞其耕澤澤○芟色衛反



柞側  
百反

獮之日。涖下來歲之戒。

秋田為獮始習兵戒不虞也卜者問後歲兵寇之備○獮思淺反

社之日。涖下來歲之稼。

社祭土為取財焉卜者問後歲稼所宜

若國有大故則令國人祭。

大故謂水旱凶荒所令祭者社及祭醮○祭音詠醮音蒲又音步

歲時之祭祀亦如之。

月令仲春命民社此其一隅

凡卿大夫之喪相其禮。

相其適子

凡國之大事治其禮儀以佐宗伯。

治謂如今每事著更奏白王禮也故書儀為義鄭司農云義讀為儀古者書儀但為義今時所謂義為誼

凡國之小事治其禮儀而掌其事如宗伯之禮。

鬱人掌裸器。

裸器謂彝及舟與瓚

凡祭祀賓客之裸事和鬱鬯以實彝而陳之。

築鬱金煮之以和鬯酒鄭司農云鬱草名十葉為貫百二十貫為築以煮之釀中停於祭前鬱為草若蘭○釀子遙反

禮

宗伯禮官之職

乙

承襲堂



凡裸玉濯之陳之以贊裸事。

裸玉謂圭璜璋瓚

詔裸將之儀與其節。

節謂王奉玉送裸早晏之時

凡裸事沃盥。

大喪之溲共其肆器。

肆器陳尸之器喪大記曰君設大盤造冰焉大夫設夷盤造冰焉士併瓦盤無冰設牀禮第有枕此之謂肆器天子亦用夷盤○造七報反併薄冷反禮章善反第側几反

及葬共其裸器遂狸之。

造奠之彝與贊也狸之於祖廟皆問明奠終於此○狸亡皆反

大祭祀與量人受舉學之卒爵而飲之。

舉受福之嘏聲之誤也王醕尸尸嘏王此其卒爵也小牢饋食禮主人受嘏詩懷之卒爵執爵以興出宰夫以邊受膏黍主人嘗之乃還獻祝此鬱人受王之卒爵亦王出房時也必與量人者鬱人贊裸尸量人制從獻之脯籩事相成○舉古雅反嘏古雅反醕侯各反又音胤籩音煩

鬯人掌共秬鬯而飾之。

秬鬯不和鬱者飾之謂設巾

凡祭祀社壝用大鬯。

壝謂委土為壇壝所以祭也大鬯瓦鬯○壝音善

司豐

卷之九 宗伯禮官之職

禮記



祭門用瓢齋

祭謂管鄴所祭門國門也春秋傳曰日月星辰之神則雲霜風雨之不時於是乎祭之山川之神則水旱疫癘之不時於是乎祭之魯莊二十五年秋大水鼓用牲于門故書瓢作劑鄭司農讀劑為瓢杜子春讀齋為案瓢謂瓢蠶也案盛也支謂齋讀為齊取甘瓢割去抵以齊為尊○祭音詠齋在  
今反都作管反齋力兮反去起呂反抵音帝

廟用修凡山川四方用蜃凡裸事用概凡鬻事用散

裸當為理字之誤也故書蜃或為謨杜子春云謨當為蜃書亦或為蜃蜃水中蜃也鄭司農云脩護概散皆器名玄謂廟用脩者謂始禘時自饋食始脩蜃概散皆漆尊也脩讀曰貞貞中尊謂獻象之屬尊者彝為上尊為下蜃畫為蜃形蚌曰合漿尊之象概尊以朱帶者無節曰散○脩音貞羊久反又音由中  
罇也鬻乎逼反散素早反獻素何反蚌步項反曰合音舍

大喪之大辨設斗共其鬯

斗所以沃尸也鬯尸以鬯酒使之香美者鄭司農云鬯讀為徽

凡王之齊事共其秬鬯

給泮浴○  
泮七內反

凡王弔臨共介鬯

以尊適卑曰臨春秋傳曰照臨幣邑鄭司農云鬯香草王行弔喪被之故曰介玄謂曲禮曰禁天子鬯王至尊介為執致之以禮於鬼神與檀弓曰臨諸侯吟於鬼神曰有天王其父此王適四方舍諸侯祖廟祝告其神之辭介於是進鬯○為執于偽反與音餘  
父音甫

周禮卷十九終







象雞知時也。告其有司主事者。少牢曰。宗人朝服北面曰。請祭期。主人曰。比於子。宗人曰。且明行事。告時者。至此且明而告之。  
○朝直造反  
比毗志反

凡祭祀面禳。其其雞牲。

禳。禳廟之屬。禳廟以羊。門夾室皆用雞。鄭司農云。面禳。四面禳也。禳讀為微。

司尊彝。掌六尊六彝之位。詔其酌。辨其用。與其實。

位。所陳之處。酌。沛之使可酌。各異也用。四時祭祀所用亦不同。實。鬱及體齊之屬。沛。子里反。齊。才計反。

春祠夏禴。裸用雞。彝。鳥彝。皆有舟。其朝踐用兩獻尊。其再獻用兩象尊。皆有罍。諸臣之所昨也。秋嘗。冬蒸。裸用罍。彝。彝。皆有舟。其朝獻用兩著尊。其饋獻用兩壺尊。皆有罍。諸臣之所昨也。凡四時

之間祀。追享朝享。裸用虎彝。彝。皆有舟。其朝踐用兩大尊。其再獻用兩山尊。皆有罍。諸臣之所昨也。

裸。謂以圭瓚酌鬱也。始獻尸也。后於是以璋瓚酌亞裸。郊特牲曰。周人尚臭。灌用鬯。臭鬱合鬯。臭陰達於淵泉。灌以圭瓚。用玉氣也。既灌然後迎牲。致陰氣也。朝踐謂薦而腥酌醴。始行祭事。后於是薦朝事之豆。豆。既又酌獻。其變朝踐為朝獻者。尊相因也。朝獻謂尸卒食。王酌之。再獻者。王酌尸之後。后酌亞獻。諸臣為賓。又次后酌盞齊。備卒食三獻也。於后亞獻。內宗薦加豆。豆。其變再獻為饋獻者。亦尊相因饋獻。謂薦孰時。后於是薦饋食之豆。豆。此凡九酌。王及后各四。諸臣一。祭之正也。以今祭禮。特牲少牢言之。二裸為奠。而尸飲七矣。王可以獻諸臣。祭統曰。尸飲五。君洗玉爵獻。卿是其差也。明堂位曰。灌用玉瓚。大圭。爵用玉琖。加用璧角。璧散。又鬱人職曰。受舉。罍之卒爵而飲之。則王酌尸以玉爵也。玉酌尸用玉爵。而再獻者。用璧角。璧散可知也。雞彝。鳥彝。謂刻而畫之。為雞鳳凰之形。皆有舟。皆有罍。言春夏秋冬及追享朝享有之。昨。讀為酢。字之誤也。諸臣獻者。酌罍。



以自酢不敬與王之神靈其尊鄭司農云丹尊下臺若今時承  
 擊獻讀為儀儀尊飾以翡翠象尊以象鳳皇或曰以象骨飾尊  
 明堂位曰犧象周尊也春秋傳曰犧象不出門尊以祿神靈神  
 之所飲也詩曰餅之馨矣維疊之耻罕讀為稼稼穡畫禾稼也  
 黃發黃目尊也明堂位曰夏后氏以雞彝殷以斚周以黃目爾  
 雅曰彝白罍器也若尊者若斚尊也或曰若尊者若地無足明堂  
 位曰若殷尊也壺者以壺為尊春秋傳曰尊以魯壺追享朝享  
 謂神祿也在四時之間故曰間祀雖讀為蛇也或讀為公  
 用射雉之集大尊太古之瓦尊山尊山罍也明堂位曰秦有虞  
 氏之尊也山罍夏后氏之尊故書踐作餞杜子春云餞當為踐  
 玄謂黃目以黃金為目郊特牲曰黃目鬱氣之上尊也黃者中  
 也目者氣之清明者也言酌於中而清明於外追享謂追祭遷  
 廟之主以事有所請禱朝享謂朝受政於廟春秋傳曰罔月不  
 告朔猶朝于廟蟬舄屬印鼻而長尾山罍亦刻而畫之謂山雲  
 之形○兩獻本或作戲注作犧同素何反注及下注汁獻同罕  
 音稼若直略反朝享直遙反朝受政猶朝及下文朝用同雖音  
 誅兩大音泰注同瑛莊產反射雉食亦反  
 下荀尹反禹音遇叩魚丈反又五剛反

凡六彝六尊之酌鬱齊獻酌禮齊縮酌益齊泔酌凡酒修酌

故書縮為數齊為盞鄭司農云獻讀為儀儀酌有成儀多也泔  
 酌者揆拭勺而酌也修酌者以水洗勺而酌也盞讀若為齊和  
 之齊杜子春云數當為縮齊讀皆為泰玄謂禮運曰玄酒在室  
 醴醴在戶黍稷在堂澄酒在下以五齊次之則醴酒益齊也郊  
 特牲曰縮酌用芡明酌也醴酒泔于清汁獻於于醴酒猶明清  
 與醴酒于舊醴之酒也此言轉相泔成也獻讀為摩沙之沙齊  
 語聲之誤也芡鬱和和芡以醴酒摩沙泔之出其香汁也醴齊  
 尤漢利以明酌泔之泔從醴泔從從也益齊差清和以清酒泔之  
 而泔其餘三齊泛從醴泔沈從益凡酒謂三酒也修讀如泔濯  
 之泔泔酌以水和而泔之今齊人命泔酒曰泔明酌酌取事酒  
 之上也澤讀曰醴明酌清酒醴酒泔之皆以善釀之酒凡此四  
 者祿用鬱齊朝用醴齊饋用益齊諸臣自酢用凡酒在大事于  
 大廟備五齊三酒○獻酌素何反司農音儀泔奇銳反修酌直  
 歷反注同數音朔下何為盞子今反稅飾舒銳反齊和胡臥反  
 醴莊產反緹音體舊澤音亦下曰  
 醴音同莎素何反去滓起呂反



大喪存奠辨

存省也。謂大遺時。奠者朝夕乃徹也。

大旅亦如之。

旅者國有大故之祭也。亦有其奠辨則陳之。不即徹。

司几筵掌五几五席之名物。辨其用與其位。

五几左右玉彫形漆素五席莞藻次蒲熊用位所設之席及其處。彫徒冬反莞音官又音丸藻木又作纁音早

凡大朝覲大享射。凡封國命諸侯。王位設黼依。依前南鄉設莞筵。紛純加纁席畫純。加次席黼純。左右玉几。

斧謂之黼。其黼白黑文。以絳帛為質。依其制如屏風然。於依前為王。於席左右有几。優至尊也。鄭司農云。紛讀為黼。又讀為和。

紛之粉。謂白繡也。純讀為均。服之均。純緣也。纁讀為藻。率之藻。次席。畫皮為席。書顧命曰。成王將崩。命大保芮伯。申公等。被冕服。遺玉几。玄謂紛如絞。有文而狹者。纁席。削蒲莖展之。編以五采。若今合歡矣。畫謂雲氣也。次席。桃枝席。有次列成文。○依於王。于為反。率音律。弱音弱。

祀先王昨席亦如之。

鄭司農云。昨席於主階設席。王所坐也。玄謂昨讀曰醑。謂祭祀及王受酢之席。尸卒食。王醑之。卒爵。祝受之。又兩授尸。尸酢。王於是席。王於戶內。后諸臣致爵。乃設席。

諸侯祭祀。蒲筵纁純。加莞席。紛純。右彫几。

纁。畫文也。○莞。席加纁者。纁柔。需不。如莞。蒲筵。又於鬼神宜。○需。如竟反。

昨席。莞筵。紛純。加纁席。畫純。筵。國賓于牖前亦如之。左彫几。

周禮

卷三 宗伯 禮官之職

四

宗廟



昨讀亦曰雖鄭司農云禮記國賓老臣也為布筵席於牖前玄謂國賓諸侯來朝亦卿大夫來聘後言几者使不蒙如也朝者彫几聘者彫几

**甸役則設熊席右漆几。**

謂王甸有司祭表貉所設席○甸音田

**凡喪事設篋席右素几其柏席用萑蒲純諸侯則紛純每敦一几**

喪事謂几奠也萑如葦而細者鄭司農云柏席追地之席常居其上或曰柏席載黍稷之席玄謂柏檟字漸滅之餘檟席裁中神坐之席也敦讀口肅壽覆也棺在殯則檟壽既定則加見皆謂覆之周禮雖合葬及同時在殯皆異几體實不同祭於廟同几精氣合○柏音迫在音九敦音道藏才浪反肅音導

**凡吉事變几凶事仍几。**

故書仍為仍鄭司農云變几變更其實謂有飾也乃讀為仍仍因也因其質謂無飾也爾雅曰儻仍因也書顧命曰翌日乙丑成王崩癸酉闕間南鄉西序東嚮東序西嚮皆仍几玄謂吉事王祭宗廟祿於室饋食於堂釋於祊每事易几神事文示新之也凶事謂凡奠凡朝夕相因是禮略○翌音翼祊補耕反

**天府掌祖廟之守藏與其禁令。**

祖廟始祖后稷之廟其寶物世傳守之若魯寶玉大弓者○守藏上手又反下才浪反

**凡國之玉鎮大寶器藏焉若有大祭大喪則出而陳之既事藏之。**

玉鎮大寶器玉瑞玉器之美者禘祫及大喪陳之以華國也故書鎮作瑱鄭司農云瑱讀為鎮書顧命曰翌日乙丑王崩丁卯命作冊度越七日癸酉陳寶赤刀大訓弘璧琕琕在西序大玉夷玉天球河圖在東序胤之舞衣大貝鼗鼓在西房兌之戈和之弓垂之竹矢在東房此其行事見於經○瑱他見反琕以丹反鼗扶云反兌徒外反見賢遍反



凡官府鄉州及都鄙之治中受而藏之以詔王察羣吏之治

察其當黜陟者鄭司農云治中謂其治職簿書之要○中丁仲反

上春農寶鎮及寶器

上春孟春也農謂殺牲以血而之鄭司農云農讀為徽或曰農鼓之農

凡吉凶之事祖廟之中沃盥執燭

吉事四時祭也凶事后王喪朝于祖廟之奠○朝直遙反

季冬陳玉以貞來歲之嫩惡

問事之正曰貞問歲之美惡謂門於龜大卜職大貞之屬陳玉陳禮神之玉凡卜筮實問於鬼神龜筮能出其卦兆之占耳龜有天地四方則玉有六器者與言陳者既事藏之不必理之也鄭司農云貞問也易曰師貞丈人吉問於丈人國語曰貞於陽

上與音餘

若遷寶則奉之

奉猶送也

若祭天之司民司祿而獻民數穀數則受而藏之

司民軒轅角也司祿文昌第六星或曰下能也祿之言穀也年穀登乃後制祿祭此二星者以孟冬既祭之而上民穀之數於天府○能他來反上時掌反

典瑞掌玉瑞玉器之藏辨其名物與其用事設其服飾

人執以見曰瑞禮神曰器瑞符信也服飾服玉之飾謂纁藉○藏才浪反見賢遍反藉在夜反

王晉大圭執鎮圭纁藉五采五就以朝日

周禮

卷三 宗伯禮官之職

六

永懷堂



纁有五采文所以薦玉木為中幹用韋衣而畫之就成也王朝日者示有所尊訓民事君也天子常春分朝日秋分夕月觀禮謂插於紳帶之間若帶劍也填讀為鎮鄭司農云晉讀為摺紳之摺杼上終葵首天子服之鎮圭尺有二寸天子守之纁讀為蕩率之藻五就五而也一而為一就○朝直遙反韋衣於既反

公執桓圭侯執信圭伯執躬圭繅皆三采三就子執穀璧男執蒲

璧繅皆二采再就以朝觀宗遇會同于王

三采朱白蒼二采朱綠也鄭司農云以圭璧見於王觀禮曰侯氏入門右坐奠圭再拜稽首侯氏見於天子春日朝夏日宗秋曰觀冬日遇時見曰會殷見曰同信圭音身

諸侯相見亦如之

鄭司農云亦執圭璧以相見故鄭隱公朝於魯春秋傳曰邾子觀玉高其容仰

瑑圭璋璧琮繅皆二采一就以類聘

璋以聘后夫人以琮享之也大夫眾來曰類寡來曰聘鄭司農云瑑有圻鄂象起○瑑直轉反類他弔反圻魚斤反

四圭有邸以祀天旅上帝

鄭司農云於中央為璧圭著其四面一玉俱成爾雅曰邸本也圭本著於璧故四圭有邸圭末四出故也或說四圭有邸有四角也邸讀為抵欺之抵上帝玄天玄謂祀天夏正郊天也上帝五帝所郊亦猶五帝殊言天者尊異之也大宗伯職曰國有大故則旅上帝及四望○著音啓反

兩圭有邸以祀地旅四望

兩圭者以象地數二也儻而同邸祀地謂所祀於北郊神州之神○儻昌絹反邸音帝

裸圭有瓚以肆先王以裸賓客

司禮

卷三 宗伯禮官之職

七

示慎堂



鄭司農云於圭頭為器可以挹也禋祭謂之瓚故詩曰卹彼玉瓚黃流在中國語謂之瓚圭以肆先王禋先王祭也玄謂肆解牲體以祭因為名爵行曰裸漢禮瓚

圭璧以祀日月星辰

圭其邸為璧取殺於上帝○殺色界反

璋邸射以祀山川以造贈賓客

璋有邸而射取殺於四望鄭司農云射剡也○射食亦反

土圭以致四時日月封國則以土地

以致四時日月者度其景至不至以知其行得失也冬夏以致日春秋以致月土地猶度地也封諸侯以土圭度日景觀分寸長短以制其域所封也鄭司農說以玉人職曰土圭尺有五寸以致日以求地中故謂之土圭○度待洛反下度地度

同日

珍圭以徵守以恤凶荒

杜子春云珍當為鎮書亦或為鎮以徵守者以徵召守國諸侯若今時徵郡守以竹使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故以鎮圭鎮安之玄謂珍圭王使之瑞節制大小當與琬琰相依王使人徵諸侯憂凶荒之國則授之執以往致王命焉如今時使者持節矣恤者閭府庫振救之凡瑞節婦又執以反命○守劉守反使所吏

反閭音闕

牙璋以起軍旅以治兵守

鄭司農云牙璋璋以為牙牙齒兵象故以牙璋發兵若今時以銅虎符發兵玄謂牙璋亦王使之瑞節兵守用兵所守若齊人戊遂諸侯戊周



璧美以起度

鄭司農云美長也此璧徑長尺以起度量玉人職曰璧美度尺以為度玄謂美不圓之貌蓋廣徑八寸表一尺○表音茂

駟圭璋璧琮琥璜之渠眉疏璧琮以斂尸

鄭司農云駟外有捷盧也駟讀為駟疾之駟疏讀為沙謂圭璋璧琮琥璜皆為開渠為眉琮沙除以斂尸令汁得流去也玄謂以斂尸者於大斂焉加之也駟讀為組與組馬同聲之誤也渠眉玉飾之溝瑑也以組穿聯六玉溝瑑之中以斂尸圭在左璋在首琥在右璜在足璧在背琮在腹蓋取象方明神之也疏璧琮者通於天地○駟音祖

穀圭以和難以聘女

穀圭亦王使之瑞節穀善也其飾若粟文然難仇讐和之者若春秋宣公及齊侯平莒及邾晉侯使瑕嘉平戎于王其聘女則以納徵焉○難乃且反邾音談

琬圭以治德以結好

琬圭亦王使之瑞節諸侯有德王命賜之及諸侯使大夫來聘既而為壇會之使大夫執以命事焉大行人職曰時聘以結諸侯之好鄭司農云琬圭無鋒芒故治德以結好○好呼報反

琰圭以易行以除慝

琰圭亦王使之瑞節鄭司農云琰圭有鋒芒傷害征伐亦討之象故以易行除慝易惡行令為善者以此圭責讓喻告之也玄謂除慝亦於諸侯使大夫來類既而使大夫執而命事於壇大行人職曰殷類以除邦國之慝○易行下孟反

大祭祀大旅凡賓客之事其其玉器而奉之

玉器謂四圭禘圭之屬

大喪其飯玉含玉贈玉

司禮

卷二下 宗伯禮官之職

九

承襲堂



飯玉，碎玉以雜米也。含玉，柱左右顛及在口中者。雜記曰：含者執璧將命，則是璧形而小耳。贈玉，蓋璧也。贈有束帛，六幣璧以帛。○飯扶晚反。舍戶帶反。

凡玉器出則其奉之。

玉器出，謂王所好賜也。奉之，送以往，遠則送於使者。

周禮卷二十終



終

